



FULAY DI KÁMIKAK KOOLIIL KATI DÚNUYAAY BÚROM

KURIM KATI KUWAÑAAK



Óli kaamumi di burok funakoofunak mánukuumen bukanak kati mofam moololaal...

- Nusosof burokab lit di sísigirali.
- Nujuumenjuumen di simitase sikumbuun saɣoolene síjuumoli tanootan, di síluwoor di buroɣab mansirok, di síliɣen muwañaay manooman nen : ewoñey, kakurak sinukas, jaleebaj, burokab di kúbaarak, di úrumpenaw... di burok banooban.
- Di muwañaay manooman, nurorok ró manuɣoolen ubaj faɣ to, nunoomen muwañaam mólololi.
- Núyiisenuul kásuumaayak kóololi kati ekaaney burokab ubu.

Óli, kuwañaak kati Senegaal, aseek, ániine...

- Óli kooku di kamanjenuul benen mati kujojak kóololi kulet kujoj kati pólitik.
- Wan umaɣumi di sikumbuunas sóolali (OP, kujojak, di kujojak kati sikumbunas...) di CNCR, karamben faɣ Mansa yati Senegaal di kujuumak kan esofumi kati káliɣenak buroɣab bólololi, nutiiken mátaañaam mándomi, maɣoolene mújawum di buroɣab, mba di muwañaam máliɣutumi, mammukajembo.
- Nusensen buruɣ kujojak kóolali mankuriiben kurimak kajamoorimi di Luwaay yati kakurak sinukas, ewañey di jaleebaj (LOASP), satooɣoorutumi burok mánkurokunso.
- Óli kooke di ereg Mansa mankuriiben wajamoorimi di Luwaay (LOASP) yan fujojaf fati kúdipitaak kati Senegaal fujuumenumi emitey yati 2004.
- Nureg Mansa mánkúparenul galab waitaw úrokumaaw wati Luwaay yati ewañey, kakurak sinukas, jaleebaj.
- Nuregiil mankulako, buko di kujojak mánkumik kúluwoor set wan waitaw urege di Luway (LOASP) jandi úpurul.

Óli kuwañaak, aseek, ániine, óli kafaɣumi manujuupoe du mofam...

- Óli noone kure'en kuseekak kati sísukas di kukambaanaak di kajuumenak urokaw, di kacookoorakuwo.
- Numammaɣ kuwonk kámik kati kálunnoor waregeimi, kan kuseekak, kukambaanaak, kúniinaak koote emaat.
- Mansa kumeeɣ di kámik, kámik kalegen di sikumbuunas san kuseekak di kúniinaak kuwañaak kujuumenumi.
- Numanjen poop bukanak mati nubabaj duruwa, poop noote umat, núkaanum di muwañaam mati ufataw bee kajom majakam mati mofolaal Senegaal.

